

余文敏公文集

余文敏公文集序

嗟乎文豈易言哉為文難矣而論文尤難故知其人則知其文也昔人謂文章為經國之大業不朽之盛事自哉言乎夫上之立德匪言弗著次之立功匪言弗傳言之不

可已如是夫蓋言之精粹者是為  
文而文非可以一端盡也故體裁  
萬變而總之根極于理軌迤殊方  
而要之推本於事功不拘玄以妨  
素不徇象以遺心斯其悟至道之  
真機得言詮之上乘豈不曄然稱

盛矣哉若徒綴緝辭章而本末不  
諛弁髦飾而枝葉繁風斯靡矣復  
何取焉少傅余文敏公少好學精  
詣理窟博通衆流百家之言而覃  
思巧構出語必驚人且負氣卓犖  
迥異時輩而言論風采褻然人倫

之冠予嘗得其遺草而三復歎息  
焉曰嗟乎公之詩文諸體備矣讀  
之豪蕩感槩如其人焉敷腴暢達  
如其人焉淵懿而不沉晦如其人  
焉故曰知其人則知其文也由是  
而翊經闡道則學術明揆榮攄猷

則治功顯而盛德大業於此可以  
少窺其蘊矣非所謂美則愛愛則  
傳者乎公平生著作甚富而中值  
鬱攸所存無幾今廣搜博訪僅得  
若干卷鋟梓以行真足以成一家  
之言而傳諸不朽矣雖然予復有

說焉公集中所傳信美矣而尚有  
進於此者則石渠天祿之制作是  
已公嘗纂修

國史而義例謹嚴足以垂百王之  
鑒戒校勘

會典而損益適中有以定一代之

章程此非其文之至者乎雖然至  
矣而尚有大於此者則啓沃格心  
之文是已公受

今上之眷知膺密勿之重寄入贊  
嘉謀出揚

后德造膝之奏對獨契於



淵衷納約之數陳每留於秘密使  
海內陰受其賜而不知此非其文  
之大者乎嗚呼論文至此美哉至  
矣大矣無以復加矣世有知者諒  
能綜覽義旨而信予言之非妄也  
賜進士出身資政大夫禮部尚書

兼翰林院學士

經筵講官

國史

會典副總裁同邑汪鏜撰

余文敏公文集序

文敏公以博士家言魁試舉副

詳延天下青衿子既留慕之矣比入

承明典著作之事周旋臺閣草

絲綸之命潤色

兩朝功德之盛剛述

一代典制之詳洋、熊累、熊典  
群賢錯而綜之、彌縫不見其點焉  
若夫長篇大幅、片楮尺牋、所以較  
宣人義、陶詠性靈、与綏輒之士相  
賡應者、多有也、而副在不戒、裂于  
桴鼓、攸舉燼焉、蕩而亡之矣、今四求

人間之所存得者千首次第而繫之  
以行一貫受而讀之怒如懷山陽之緊  
嗟夫鳳徂麟隱矣而竄其一角一羽  
以爲奇彼鳳能羽彼焦明亦能羽  
彼麟能角彼并鹿亦能角自天下有  
焦明并鹿在而鳳麟亦何顏乎嗟夫

此是角是羽不足以存鳳麟則與衆  
寶之以待人之不昧者可矣公天人哉其  
氣豪其志遠其度弘以達其所窺  
書博而雅其所取友自館閣諸老以  
逮海內名流雖後來一秀者苟有異  
者皆折節其殆多在山水間所居處

雖官邸必飭藝苑灌木酌酒寄  
談若舍是無可以相與生者故其文足  
言足志雖淙雅富沛然若決河漢  
渾之不舍有裂山摧海之力而絕單寒  
逢之態据根抵莖支葉環如也  
詩以逸韻偉言為致情所會之舍

玄蘊激唱影有餘音雖跼踖自成  
而天琛夜光往往在焉昔洪景靈一  
草二十制矜其侍吏曰蘇學士諒如  
是矣矣曰蘇學士誠已陋公顧無煩  
披故冊耳景靈恥之余謂世所稱文  
章家苟未竟其裏而徒以雕鏤組織



相次未知其權力誰咄

且哦且作財成心匠恐爲夙構石煩閑

戶留毫之力而聲香茂實爛爲粉

銖裏豎爲彘鼎陳此非天情鉅勝

所醞釀于胃中者素耶是何必噫

以往萬自律輟秦韓漢猶魏剝

命之無公集  
唐如庖人割鰾肉批魚鱗以壓羶人曰腹  
為哉惜乎年不酬志中道棄捐豈惟  
燕膚爛如海肉缺醇醲之室即斯  
文夫喪未罄公所懷來悲夫二貫自  
紫博士詣公車則已侍多教旨中出門  
下為弟子益親居以道義相切劘事

切相砥礪激昂于時流之外進趨先  
輩之風而今不可親矣慄々噢咻誰復  
可以師我者乎故序公文而及于所為  
文又如此嗚呼亮蒼不朽矣

萬曆壬辰秋季

賜同進士出身通議大夫太子賓客

郭左侍郎兼翰林院侍讀學士門

人沈一貫書

余文敏公文集目錄

光祿大夫兼李太傅部尚書建極殿大學士贈徐謚文敏同麓余有丁撰

卷之一

序

賀太宰楊公榮晉少師序

少宰趙公考績序

贈鴻臚卿孫長公考績序

贈少司成周公述職序

贈郡丞李公上績序

天門奏景詩序

贈葉節推滿秩序

壽裴宗伯老師序

少司馬東明范公暨夫人偕壽序

壽少司徒曹公六袞序

壽趙立齋郡守序

卷之二

壽沈慕閒翁八十序

贈穆長公序

壽袁老師母管太夫人六袞序

贈全母丁太夫人七十序

壽郝太宜人八袞序

壽黃孺人七十序

壽李母水孺人六袞序

贈國醫吳梅坡序

贈鄒敏齋序

壽沈影泉翁七十序

卷之三

送劉羽泉總督三鎮序

贈少司寇鶴樓張公應召序

贈郡守鵬江王公遷蜀憲副序

贈宮允戴陳二公典試還朝序

贈淮揚轉運使萬君之任序

贈江君擢長蘆都運序

贈楊州郡守衛侯序

贈康使君之黎平序

贈郡侯萃野周公入覲序



送署丞盧君序

贈封君寅樓郝公八十壽序

卷之四

貴州鄉試錄序

湖廣鄉試錄後序

會試錄後序

浙江鄉試錄序

湖廣鄉試錄序

會試錄序

山東鄉試錄序

少司馬翁公歷官疏議序

方文襄公文集序

劉尚書氏族譜序

芸窓月草序

張氏貞節錄序

卷之五

記

浙江巡視海道副使題名記

新建巡倉察院記

漢壽亭侯關公神應記

游西山記

五柳莊記

頌

潘頌

海塘成頌少司馬鳳竹徐公有序

卷之六

傳

張司馬先生傳

節孝傳

贊

文昌像贊

友山李公贊

詞

擬冬至節宴 兩宮聖母致語

郝寅樓封君壽日帳詞有引

擬勅

擬加上 孝懿皇后謚勅

表

瑞雪表

祥露表

擬立東宮奉賀 皇后表

卷之七

疏

辭免恩命疏

辭免獻俘加恩疏

再疏

辭免陞蔭疏

乞卹典疏

謝恩疏

乞假調理疏

乞歸疏

再疏

三疏

四疏

啟

請袁元峰相公啟

楊虞坡晉少師請啟代作

上徐存齋相公啟代作

上呂豫所相公啟代作

卷之八

策

廷對

聖孝

庚辰程

學術

庚辰程

兵制

庚辰程

南北邊務

庚辰程

曆數

癸未程

禦虜

癸未程

論

天下之政出于一

癸未程

卷之九

墓誌銘



少傅兼太子太傅英國公蒙溪張公墓

誌銘

贈太保鎮遠侯謚榮僖顧公墓誌銘

武清侯贈太傅安國公謚恭簡李公墓

誌銘

都察院右副都御史進階通議大夫抑

菴陳公墓誌銘

朝議大夫福建布政司左叅議南江戴

公墓誌銘

虎山宋長公暨配何孺人合墓誌銘  
儒林郎南京光祿寺署正康莊李君墓誌銘

贈登仕佐郎鴻臚寺序班正所范公墓誌銘

贈工部主事桂軒朱公墓誌銘

雲騎尉錦衣衛百戶勿齋許君墓誌銘

雲山處士林君墓誌銘

李太母涂氏墓誌銘

卷之十

碑

封光祿大夫柱國少師兼太子太師吏  
部尚書中樞殿大學士崑川張公神

道碑

墓表

山東副使龍門王公墓表

少司馬竹墟屠公墓表

將仕佐郎太醫院吏目春溪張公墓表

行狀

封奉直大夫刑部員外郎寅樓郝公行狀

卷之十一

祭文

祭元峯袁老師

祭張文忠公

合祭張文忠公代作

祭屠少司馬

祭聞西川

祭高志齋封君

祭少宗伯陳公代作

祭柴竹窓封君

祭柴方伯

祭趙目峯封君

祭寅樓郝公

合祭諸夫人

祭柴太夫人

祭郝太夫人

祭錢母孺人

卷之十二

詩

寅樓歌壽郝封君

予在告李孝父枉顧

友人惠名花兼有佳什奉答

同周中丞詠李孝甫看雲池

遊山寺和張司馬韻

宿隆禧寺用王侍御韻

壽大司馬張公七十

和周中丞張尚書酬寄二首

過廣陵懷舊

訪山僧

宿新寺

寄懷李山人

登焦山

金山寺

阻風黃河寄柴方伯四首

送呂中父還山

李孝父遊長安余適臥疴而渠別歸悵  
然有懷賦此為贈三首

送胡別駕

郝謙伯應舉來京作二律以勗之

上巳日聊城宋使君讌集

四日早發將抵泰嶽

途中



薄暮

銅城驛

五日早霽山行

望岱

河堧

汶河

關里

謁孔廟

兗州逢游使君

上元

署中雪夜

遊靈谷寺

雪霽

有懷故園

春夜旅邸有思

春曉

鍾山晚霽二首

皇陵道中

靈谷寺松關

遊雨花臺南高座寺

望栖霞

清涼寺

送張嵒嵒

早謁孝陵

偶述二首

焚黃

望先隴

舟中懷張李二山人

別湖莊

送吳生歸姑蘇二首

寺樓對雨

寄上晉王

贈董龍山計偕排律

九日登雲龍山步趙學士韻

秋日偕友人泛舟過柳亭菴二首

東湖襍作八首

送吳山人遊天台三首

病起次友人韻

贈朱山人

古洞供佛

城南泛舟三首

次李山人韻二首

贈呂山人遊澤潞謁潘王四首

湖莊對客

遣椿兒之豫章柴岳伯署畢婚

金  
憶舒園寄諸友

東湖吊古

夏日携尊延慶寺同賓甫子行二山入

得留字

贈郝孝廉得子

贈柴國醫

鳳凰臺

高座寺

蔣山道中

哭三兒四首

芍藥

賦得玉河柳送葉節推

壽洪山人

送南太宰汝泉趙公二首

過李山人讀騷軒

送趙心堂學憲之閩

小園臥病懷友人

葵軒詩為張封君汝懷賦

金華集  
目録  
扈駕上壽陵

元旦朝賀

郊遊

夏日同范子宣集李敬亭帝舅園池

四首

送屠田叔比部南歸

遊天寧寺

大閱應制

咏玄兔圖應制



壽張岳伯二十七韻

寄上 潘王

百韻詩

印

蟠菴行為趙少宰

崑崙篇

畫百子圖歌應制

帝京午日歌

無弦歌有引

余文敏公集目錄  
鹿麋篇

送呂山人行

送朱國榮

友人有待歸園之詠枕上次韻荅之

懷歸

即事

河純五首

余文敏公文集目錄終

余文敏公文集卷之一

賀太宰楊公榮昔少師序

少師楊公仕三朝踐歷中外二十四官歷一品  
初次再計十二載司功書其律以聞 上曰嘻  
是朕社稷之臣躬秉義質有文武以乂安邦家  
者功德茂盛其議所以褒異之司功按故實得  
端肅馬公其列次其績勩其所建豎於當時者  
大抵與公類因舉奏請恩澤得視馬某制曰可  
下璽書晉公為少師云由是人莫不謂少師公

似端肅乃公則曰否某持橐載筆得抽金匱之  
藏則徵睹少師公所奏功烈甚偉方公開府河  
西也塞徼繕亭障為塹壘大樵墾屯地揚威張  
掖酒泉郡以却羗虜既虜寇范陽急則置所部  
下士飭鬪具出精兵走之又明年盛秋虜悉衆  
入雲中將薄右衛城下則移公往視師與虜角  
虜相數責曰語汝亡入今 天子遣將軍來矣  
竟不敢犯雲中塞明年闖古北口則又移公守  
古北不遺鏃矢虜瓦解去即一馬不敢入自是

虜患稍息則命公為冢宰公帥其屬以大計吏  
治凡庶尹尹正既百執事所貶退稱進賢不肖  
較然而窮塞奸原杜邪枉之險蹊人可用者不  
問其次亦不以其類不用即不可雖大官勢人  
支言一不以綴意三年苞苴屏息請謁不敢行  
吏治蒸蒸矣已而虜酋慕義執我叛人願解辮  
詣闕下受吏此機權相生利害不旋踵人言策  
是無逾公者則又起公大司馬公數進孰計率  
能懼伏虜心使內首稟朔遠徙不敢盜邊兵革

之原息矣今上在諒闇令百官總已聽公於是公復為冢宰云某推肅皇帝御世操群下甚切每邊吏持赤白囊至即問邊臣勞苦一不中首虜率遣繡衣薄責不能自保而公稟上指倚神靈抗旌萬里之外策虜億幅使威稜愴乎殊域國家改元新紀詔汰諸司不職者公載執其秉匡正百僚所去泰甚無繁苛皇路率以清夷夫天子以威福馭天下作威詔司馬作福詔冢宰其受事責成重大矣乃令東結胡則以

公西奉胡則以公受末命而詔廢置則以公三  
朝所左顧右盼者繫公一人是賴也公其神人  
哉蓋公神縱性樞身兼數器足以謀王經國方  
幾務叢委紛紜不可解公立斷之易於決流抑  
墜人見謂震撼靡定公持重不蕲不啻注一矢  
引千鈞而發則批大窾中大緊肅然若剗鐘而  
映劍也至於憂國家則如饑渴極身無二慮而  
度行積思有日晷不暇食者故其事効見前如  
此今上體膺至聖遊意太平嗣服之初處公

以論道之任公意滋益恭退然若不克荷上  
書力辭者再今且崇論竑議揆皇王之蘊以謨  
諧廟堂而登明主於三五炳炳鱗鱗庶幾哉  
將與旦奭吉甫諸君子爭烈矣詩曰訪予落止  
言主上訪公以謀始也公既膺大任克自抑  
畏若曰公孫碩膚王心未已錫之策書以彰異  
數若曰于周受命自召祖命而公益薦棐夙夜  
若曰式是百辟王躬是保至曰文武吉甫萬邦  
為憲則公以一身兼之然則人謂公似端肅也



果盡爾耶其從公卿後豈不多賢要以身任天下安危若主上所謂社稷臣者非公曷任矣語曰知臣莫若主不信然哉不信然哉

少宰趙公考績序

昔在虞廷三載考績百揆內宅以總庶官四嶽外咨以領群牧於是臯陶陳知人安民之謨喟然興嘆能指而惠自古難之矣明興法虞為治亦三載考績內以冢宰倡六曹外以御史大夫監萬國大夫之副宰之貳皆秩三等內外得

通考焉於是吏部左侍郎汝陽趙公先以副都御史巡撫山東至是滿三歲績奏 天子嘉之進階 賜廕如 令甲其鄉縉紳同朝者辱臨予固請所以贈公為言公績載在計牘外臺十七內部十三其可指數者成迹末緒未能悉其神情求公於計牘之外也公之在撫臺也平易而精詳在銓部也清通而簡要 天子瓜分宇內棊置郡縣而以撫臺監焉撫臺銜 天子之命綱紀諸長吏下視小民不啻懸絕勢懸絕則

情不親而公居不崇堂階行不侈騶從獨以單車按行所部供億不煩而窮陬僻壤輒迹靡遺閭巷小民疆場委吏進而與之語夷然若比肩也斯不亦平以易乎務為平易剷去一切忌形迹弛禁防其於節目不無闊疎而公寬於民察於吏疾苦若身親之惻然務分毒螫若身嘗之焦然務去後繭絲而先保障左緣飾而右悃悞端居不言而廩奉法幽隱畢宣隳廢畢舉斯不亦精以詳乎世道登降繫百官吏治汙隆

繫銓部聲華之場人爭奔走焉寵利之藪人爭  
結納焉而公門若水衣若不勝行若思坐若忘  
居處若寒容接若溫折節下士粥粥若無能至  
其評品也洞若鑑平若衡其運用也轉若圜持  
若轂斯不亦清以通乎伯視陽城王公季視夷  
陵王公二公豁達高曠而公以澹泊寧靜居其  
間目無忤色口無違言二公所可其人與法可  
也公以其可可之二公所否其人與法否也公  
以其否否之旌別不必已出惟其當名實不必

已有惟其同故鑑不煩妍媸而明衡不煩輕重  
而公轍不煩推移而運雍容緩帶乎 巖廊而  
吏治世道賴焉斯不亦簡以要乎銓部統均視  
虞百揆是知人之括也撫臺旬宣視虞四嶽是  
安民之位也虞廷所難公蓋無之考最不亦宜  
乎已又言公敷歷垂三十年所樹微獨此耳始  
仕計部出守荊郡周踐臬藩以及開府蓋其在  
郡久能用禮法折驕藩施惠愛庇黎首 天子  
旌其伐詔以叅知行郡守事異章服令旁郡觀

焉著聲赫赫舊矣今楚中百城大半多公開府  
時所興築其在山東猶之在楚也績其可勝書  
耶已又言公為人寡欲薦至性自吾曹所耳而  
目之者居郡聞先大夫喪輒解印綬不待報去  
公之內子為置一姬不御亟遣歸此其人豈可  
與世之汨汨外物者道哉夫金玉也然後散為  
景光松柏也然後蔚為華實計牘所書則公之  
華實景光耳乃其為國名碩為鄉典刑者固自  
有在牘之不及書者也予唯唯曰嗟乎考公績

者徵于其鄉矣

贈鴻臚卿孫長公考績序

魯徐生善為頌以頌為禮官大夫傳子至孫延  
襄蓋古人以經術世其家其文獻之澤蟬聯不  
絕大者至師傅卿相小者友教學士大夫莫不  
以其名顯於當世即今時所覩記餘姚孫氏若  
忠烈文恪二公相繼起家為大宗伯而再繼長  
公為大行禮官次公為少宗伯季公一為侍御  
一為主客郎奕世載德踵頂相望凡縉紳先生

之徒誦說世澤蟬聯者莫不推轂孫氏至比之  
為經術世家云余獨謂不然漢所稱諸儒修藝  
文以名家亦或以祿利之路若不言而躬行即  
齊魯質行自以為不及是遵何故哉文多質少  
馴行孝謹有所弗迨耳孫氏自忠烈公仗節死  
義諸子孫蒸蒸以孝謹聞於郡國徃余為諸生  
時聞孫氏家行輒盱目延頸靡然向往之既余  
通籍為史官從次公後既奉 命草文恪公制  
聞家令言甚悉蓋諸公咸孝長公最甚甚於諸



公既余徙官南中數得與長公遊則知長公者  
真不言而躬行者也言必壇宇行必防表茹蔬  
恐其不潔循牆偃躬恐其不肅交際取與必以  
檢押恐其不以義予始一二見之以為是強於  
禮者耳已而其後常然為禮官三年又無一日  
不然今且秩滿詣闕下屬吏陳直言輩謂余  
與長公同里而善長公贈言宜莫如余已於是  
余子言曰夫禮人之域也士君子人域是域然  
後能域天下今天下習靡靡矣漸漬於失教被

服於成俗繁文飾貌無裨於治主上鬱蒸太

平寤寐禮法之士與之更始以總一海內長公

述所奉之職旅見主上主上若曰是大臣之

苗裔能以禮自域也先王謂世祿之家鮮克由

禮誰而有孫氏父祖子孫若是哉見主上歸

而見母夫人邸第且必率季公主客郎上觴為

母夫人壽母夫人若曰若盡職報主上老婦

幸甚長公進以禮事其君退以禮說其母錯是

以禮域天下其與潤色禮經善為頌者何如又

豈徒曰世澤蟬聯不絕如古昔世系所云哉彼  
縉紳先生推轂孫氏者聞余言且爽然自失矣  
贈少司成周公述職序

先生與余先後舉進士同館局十年矣先生先  
余出司成均業粵二年余隨先生後與先生同  
在事余始臨學宮見文學校官服方領習矩步  
委它其前知先生素所化誨者已而祀先師陳  
鐘鼓管籥升觴執俎者雖雖其側知先生素所  
肄習者又已而都試講藝先明布告莫不敬畏

趣向之知先生素所程課者蓋先生之設教也  
嚴其申令也必其守規條也專一而不一聞之  
文學自千里來者編牒不下數百先生曰咨學  
有禮以禮進者入吾籍不則出上下置牲幣之  
奠先生曰學之禮祀為大明祀事者執吾役不  
則去傳以义次相受業者一歲皆輒試試之日  
先生曰學有功令守吾令者得籍奏不則罰毋  
赦以故文學靡然向風斌斌可觀如此余輒退  
而私嘆曰不佞不習為師今日相遭其解矇矣

母幾時先生為余言曰子以是為斌斌哉是覩  
春華不計其實也所謂蒙虎章而羊其質也洙  
泗邈遠聖文埃滅士生斯世騷騷皇皇冀進青  
衿之列類能頌說古昔而斷截小文媒黷微辭  
曰吾需以黻策決科哉不者徒恃其蓄積餘業  
侈冠服連車騎為富貴容出倫踰等轉相誇詫  
以耀閭里又不者言方行圓口正心邪曰胡以  
行誣為善書而為吏耳胡以禮節為家富而出  
官耳此非不獵纓整衿圓槁則式過廟則趨也

其心術有大謬盭不然者衝陽之林樛蠹皆植  
溟渤之壑污垢咸容辟雍固海流藪藏之區也  
其惟不能分白黑抉瑕摘釁汰學者之累也  
而子固謂斌斌乎哉余徐而察諸文學所為信  
有然者余方恃先生礪錯其上而余從先生砥  
礪之玉無當於石而石可攻金無當於刀而刀  
可割庶幾哉其得奉手有所受哉不越載而先  
生滿秩行將往而謁 闕下 主上方崇化勸  
學廣厲學官之路當必問先生若曰而所職南

雍何南人士習何先生必不得諉余亦欲綴一  
牘托先生去而語拙氣澁不能也主上且留  
先生左右先生徐為陳說所以主上赫然下  
明詔余又何究宣德意而明布諭下哉余故重  
惜先生之別焉

贈郡丞李公上績序

公蓋蒞郡三年所矣秩滿當報政郡伯游公拒  
余謂公在事久贊其為治明慎所職甚勞苦矣  
若駕舟惟公左撐右刺若御車惟公前推後輓

所得辦治寧者緊公力是賴公茲政成書牘某  
亦何所誦公余訊郡伯公將抱牘赴尚書期乎  
郡伯曰未也今甲凡守令滿歲不得輒以其名  
聞則遞上所司又不得輒以身往公今赴監司  
考監司考曰上已赴部使者考部使者考曰上  
已赴御史大夫考御史大夫考曰上則牘而載  
之授上計簿吏以遺司功氏使詔尚書耳余聞  
之喜謂郡伯審爾則公又得贊公治矣夫丞守  
相須而濟丞佐守於法無不預然亦不得專務



取成若成焉弗與贊或贊之弗可成守無賴爾  
乃公所贊治居多則所為誦公者固有在乎一  
日鄉三老謂余我小人怙公不啻父母主上  
以父母賜吾郡得生生自庸今公將上績也獨  
柰何余以前語語之三老曰所部借我公猶然  
有待吾儕小人也庶幾得益我隕月吾儕幸哉  
夫公所為諸監司部使者及御史大夫輒得上  
考是遵何道以獲上及鄉三老所願借公又遵  
何道輒使民治也蓋公嘗攝郡矣攝邑矣郡地

淳鹵歲常侵民失職者衆公孳孳問所疾苦捐  
不急之費與之休息郡多訟且藉手豪家公較  
若持衡平反一如李法訟以不寃郡患盜盜多  
引逮或以規賂免不則為捕者課公詰盜毋得  
株連亦急捕者繫盜盜以屏息三年以來四封  
晏如也故攝邑人怙公攝郡則五邑之人怙公  
今日以郡事上所司報可更任迭錯一郡五邑  
無弗治也監司部使者及御史大夫無弗獲也  
易之繇曰鶴鳴子和得道者多助耳然則公詎

獨贊守為治哉公固嘗操舟而自駕引車而獨  
御矣於是郡伯徧誦所部譽公於牘者告某某  
曰辦哉公之為治也計吏以是上司功氏司功  
氏以是上天官而聞之主上主上曰何以治  
寧令政治民安也甚稱朕意即雜問計吏命條  
對當得長者之言而稱之耳聞漢制奉職循理  
者天子賜金賜璽書以撰公卿選諸所表而次  
用之主上瑩精吏治甚殷也我寧得久借公  
乎哉公之業在采菽之率章矣采菽曰樂只君

予天子葵之某敢以是代郡伯為公贈云

天門奏最詩序代作

公與不佞同官陪郡與公同尸鈎校讞鞫之事  
已公出倖明郡甫二禩不佞出為郡守幸從公  
後以職業相寵勉公之言曰明郡巉焉處東大  
洋上不腆之賦不足供國家一饗士而又番舶  
之所出沒也拊民萌於內禦龍蛇於外非甚強  
力莫可守明矣幸公在事第有以佐公不佞喜  
且慰則日鯁鯁與公夙夜交儆畢議盡知問民

所疾苦與民更始先是屬歲屬農千里半菽併  
口而食公佐不佞衽席而湯沐之且得請減田  
租十之一先是官府供億繁民日不充酒食費  
公佐不佞悉蠲之日張具不以煩民先是廩廩  
虛公佐不佞儲穀若干鍾先是軍興饋餽乏公  
佐不佞徵民賦足軍需不絕先是里閭無賴少  
年拊髀胠篋為奸公佐不佞廣耳目跡捕必得  
先是諸衛逋卒漏尺籍部檄磨至公佐不佞據  
籍磨勘行伍無所匿蓋閱三禩政成而不佞得

免于踈盭緊非公賜哉於是郡大夫德公者詩  
奏最之章以侈公德而謂不佞序之首乃不佞  
之德公也甚即郡大夫有謂不佞且將有言也  
既讀而卒業介者高其守才者壯其猶雅者美  
其度明達者鑒其識言人人殊莫不曰嚮其利  
者為有德耳不者公之利郡豈不弘多獨茲章  
什乎哉語有之菴李不言下自成蹊公之謂也  
因彙郡大夫詩籍而牘之以進公今以最上  
天子且召公矣如 天子有意斯郡庶幾益我

期月郡幸哉不佞幸哉

贈葉節推滿秩序

漢制曰夫忠良之吏國家所以為理也不然哉  
夫理有法法出則出法入則入能聽微決疑者  
可以為理今所稱理臣者溺其職矣 高皇帝  
定律令置三尺法為天下平未嘗以委曲生意  
輒末世一切事嚴削謂前主所是著為律後主  
所是疏為令遂析律令而二之乃用法煩憊而  
鞠礪刻深竒情他比日以益滋將使民畏忌以

類其震曜殺戮夫先王之法志德義之府也矯  
虔吏為天子決平詎其文惡若此吾郡理葉  
先生以進士起家筮理楚郡以母艱去而補吾  
郡理并楚與越前後凡三年理楚者十之一理  
越者十之三政在楚楚人能言之政在越其所  
讞錄其所平亭其所噓枯而肉骨一歲至百餘  
章章大者連逮證案數十小者數人逮者數同  
近者一同所轄蓋自先生之越而越人得活者  
數千人人莫不誦先生仁乃不佞謂先生仁矣



仁於楚難仁於越而仁於今日尤難夫越誠右  
文之國也然文勝而漓不獨薦紳先生都服嫺  
容至息販弛擔之徒靡不楚楚然好負巧奸偽  
萌生垂智力以相角其極也上下相遁豪右得  
生因緣或下戶之猾者又得以煮大豪翫天下  
政法法禁數潰而觸法抵禁者比比而是故曰  
莫難於越不佞嘗從父老間語先朝憲孝時法  
禁疎濶吞舟是漏嘗輕過而移諸贖鍰亦或宥  
而反之故人不畏吏吏不取人庶幾哉圖空之

隆乎而今法不振矣非武健鷙擊惡能勝其任而愉快乎主上瑩精太平惇惇理道每下詔書切責諸吏鈎校律令條法張設網絡又不以時取奸惡成嚴霜之誅於是斷獄者急苟格執憲者煩詆欺更沾沾自喜以是為敢鷙行而一不嗜殺者復以寬科成論仇不滿品輒以廢職論矣則莫不爭以亟疾苛察相高此其弊何異人欲長生者一旦氣龍逆而結轆輒求謏刷以去其疾疾未去而氣薶薶盡也故曰於今日尤

難乃葉先生砥節首公不希旨偶俗以守先王  
之法其稽比也若手權而遊移乎一衡而尤矜  
庶勿喜有法不勝情死不勝法者恒求其所以  
生不得然後死之定死矣未竟其所以死又悉  
生之三年於理其仁積洽淪徧享於五邑蓋邑  
所不能決移郡郡所不能決移部使者部使者  
所不能決移先生而先生一為決之以上部使  
者幸財察往往驛先生所言今秩滿矣爰書具  
在以上主上主上且將曰是吾忠良吏也行

且 賜璽書以徵先生矣於是鄞邑令朱維藩  
等稟先生所報決而懷先生政理者屬不佞曰  
今先生應 主上徵將去吾郡獨柰何不佞謂  
先生行必在 主上左右相 主上理天下今  
天下弊矣先生理天下當異理郡郡得先生而  
理止一郡以眎天下輕重何啻什伯不佞與令  
將跂而俟矣何重去先生邪

壽裴宗伯老師序

主上御極恢中興之烈嘉與耆艾大儒魁壘不

二心之士共圖至理而潤色之所謂魁壘不二  
心之士者大宗伯裴公其人哉裴公事 先皇  
帝出入承明廬二十餘年歷南中司成司空抵  
今官人謂公胡留滯周南哉盖 先皇帝遺以  
相 主上也往公著作之績載在石室弗暇論  
論其大者公為司成束身自修澤道德仁義之  
實為博士弟子先每都授時直屏雜說張道粹  
經扶微學而廣異義菁莪棫櫟之化浸然豐芑  
間矣其以司空攝行司馬事也指麾談笑爾撤

振武營率數千人旦下令暮輒解甲去革數十  
載大弊政令悍夫驕子棄其恣睢辟倪吐舌不  
敢誰何無復挾衆振臂以為闕庭憂功在社  
稷胡可泯也惟南都舊章是寄惟高皇帝衣  
冠是遊公為大宗伯洽聞舉遺惟寅惟清夙夜  
而敬其禋祀神降之福上下訢合而邦國和會  
非公孰承其休哉公秉心淵塞口不舍一辭至  
揚擢今往灑灑竟日不置並持大體惓惓無忤  
而中屹不可奪遇人無少長崇卑必令盡其所

懷乃賢不賢白黑較然也若其經術文雅身兼  
數器則又豫相人之道矣門人某曰夫舉大器  
者不以多力就大謀者不以多能謀必中的一  
舉手投足天地可旋聲色不露而天下安若泰  
山矣往歲己未營卒脫巾呼糧張大黃舩少司  
徒可不謂亟焉當是時用事者環視莫敢發而  
今一旦解釋盡天下晏如猶罔聞也儻公所謂  
因利而制權者非邪夫公在司成則司成治在  
宗伯則宗伯治猶易者雍雍俎豆修道秉禮縉

紳先生能企之而豈若卓卓尤異如此故曰相  
天下之道豫是也夫相天下者班叙海內幹化  
鈞軸之上佐一日二日萬幾至鉅也批大卻導  
大窾使知者議强者行奚難焉此無他惟以有  
厚入有間操其機要解其微節而與萬物回周  
旋轉以神應之大庸于指顧之間若公所釋兵  
者是已公今捧賀章自南中來謁主上上萬  
歲壽主上素重公目公儀狀魁梧豐碩稱其  
榮聞而且察其志意將謂見公晚寘公密勿無



異矣夫天純祐我 國家又將純祐我公以弼  
成億萬年無疆之治若商之老成周之壽俊秦  
之黃髮其人在則其國昌其位尊則其民拊者  
也又何期焉詩曰式是百辟王躬是保夫苟足  
式將保在王躬誰能遠之又曰天壽平格保乂  
我有殷壽在身而功在人國非公其誰也某故  
以是而知天之壽公者無期於 主上之所以  
任公與天之祐國家者無疆卜之也

少司馬東明范公暨夫人偕壽序

余誦詩至魯頌見魯人稱眉壽以頌其公之躋  
萬有千歲因迨其令妻而願與多祉所以多懿  
揚休而祈福履于無窮者倚歟大備哉則嘗以  
是究觀于世國運邈隆景祚罔斁是生屏翰馮  
翼之臣布列津要俾展采錯事以救寧函夏然  
匪獨其自為也要亦內德茂焉所謂邦之泝媛  
章順理教以翊化惟閫而君子始得以宣力于  
外夫如是故天必畀之遐考以對天下而愜其  
獻祝之私盖歷邁靡爽已乃東明公國之屏翰

而天子恃為馮翼者也其刺州郡綏誠以惠  
元元流甘棠之澤其按圻甸則斥回佑良剗弊  
剔蠹持埋輪攬轡之風而尤未嘗矯輻以操切  
約其官中外踐藩臬往來楚粵間積三十餘禩  
其所事所與事與人所事莫可記憶而犖犖  
大者一厘身奉獻卒不挾所知愛以為速化計  
天子廉知公賢晉公司馬公益渙躬矢志以熙  
乃丕績曾靡私家營慮則繇其配夫人袁氏嫵  
志徽猷昕夕必屬進婦道以佐公凡饗祀蠶繅

饋羞之務必親諸所綜劄井井綸綸罔不當公  
意公以故釋內顧念得顓靡監之誼以肩國事  
然則公所以標勲豎伐炳茲鴻業者詎得微夫  
人力已哉維時皇風載建天子幹化陶鈞之  
上猶以聲教未廣采掇英奇簡畀頎碩方柄用  
公而登等焉籍以荒海邦蠻貊以率從南夷懋  
奮奄有來同之烈視魯公相為後先則公之身  
舉國繫之矣純嘏之錫熾昌耆艾之俾固自厚  
信于天而爰以質左券於魯人毋忒也矧謂黃

髮兒齒者于令夫人又奚異哉歲乙丑適公六旬越一歲乃夫人齒與齊焉公之甥來徼余言余年家子也敢以無文辭緣有概于魯頌之語諗公足當其義遂援此為公與夫人頌云

壽少司徒曹公六表序

少司徒曹公者自進士起家歟歷中外久乃領度支南中故事南少司徒不領天下經費聽漕江南粟以給中都官粟絀至者歲不下百千石則為寘別署都城中受案牘分曹使通輕重均

出納務至浩穰已時會大司徒闕公掌其事南  
中諸曹事簡諸大夫過後數數某嘗上謁門者  
曰公入部矣明日又謁門者曰公入署所矣不  
則曰公入禁中覈尚方物尚方物充牣藏者  
歲久曼漻朝廷命大臣綜覈其數上公與焉  
公入則理部事出則理署所事閒則出入禁中  
理官家事夙夜鯁鯁極公無二慮稱勞勩已一  
日公之司屬戰君輩來謁余言欲為公壽于是  
某始知公已六十云公嘗為廷評矣載領郡矣

更藩臬大夫陟京兆尹以中丞開府黔中矣亞  
司寇矣在事三十載歷官望繁九十餘階僂僂  
而趨跋踈而作賈知而救精疑若異於昔人所  
謂恬愉然者乃茲頽頽素鬢耳目之官無改其  
初是遵何故哉夫所謂恬愉者是可以言養生  
非養生之主也周之言曰庖丁解牛批大郤導  
大窾官知止而神欲行及至於族則怵然為戒  
視為止行為遲以故三年不見全牛十九年而  
刀刃若新發於硎此無他因其固然故也假令

肯綮未嘗強以刃投之拆矣不見其難不解矣  
公之養生毋乃類此嘗聞公居官必序遷序遷  
又久居必滿秩滿秩必最其序而久也不知也  
最而列于大寮也視之嘗若難也以故大錯則  
大治小錯則小治閱三十年若一日焉夫化之  
移也一息而行乎天者四十萬里萬有三千五  
百息而行乎榮衛者五十度化無時不移人無  
時不動動而以天行是其動也因其固然生之  
主也苟曰恬愉而已畔援卷婁日乘人而騁其



捷以其有涯從乎無涯構者為闢引者為鈎入者為膠擲而張之惑且滋甚謂養生何戰君曰固也我公得其養也余曰是詎獨養生哉以是養身則身壽以是養國則國壽以是養天下則天下壽詎獨養生哉是道也余聞之莊子莊子聞之文惠君者也戰君曰唯唯請得以是壽公矣

壽趙立齋郡守序

趙侯守鳳陽三年政平訟理四封晏如農狎于

野士頌于校行旅歌于途輿臺廡役躑躑坎坎  
相聞懌於其所時令丞尉倅咸頌為侯用而盱  
眙楊令德侯甚深以書抵余曰我侯謹身率先  
與民休息孳孳問所疾苦以成化理三年之內  
風雨節寒暑時山川社稷以莫不寧藐予小吏  
徼我侯寵靈得及弛檐以逭其盥尤洎侯初度  
某率士民稷稷稽首前祝我侯因東向祝天北  
向而祝 天子惟 天子有意鳳陽假我侯出  
守鳳陽幸哉惟天陰隲我民錫我侯翼自今遵

耆頤大耋千百歲未艾也余手其書嘆曰旨哉  
曠靈掃而旭日開陰沍消而春煦至孰隆施是  
孰居無是天實鑒之天子寔司之匪趙侯孰當  
天心孰承 天子休德 天子加惠元元與海  
內更始所與共理者惟良二千石所重者惟三  
輔也繩豐芑之詒席湯沐之賜三輔所重者惟  
鳳陽侯今治理為三輔最 天子知其賢民懷  
其仁吏銜其德禮曰百日之蜡一日之澤侯以  
三年仁政賈吏民一日之祝宜已盖余讀詩觀

古人愛顧其君必形之聲歌以寓祝其祝必以  
壽曰壽考曰眉壽曰萬壽無期彼得有其國其  
人以為君且以為父母誠義結於心不得已者  
乃今郡國守長視古君侯等矧其長治拊循勞  
徠不懈使民得安家樂業吏得奉職循理上下  
訢洽宜其愛顧稱祝若此令言曰幸徼侯寵以  
逭鑿尤余復嘆息者三昔黃次公治潁川務在  
成就全安長吏趙子都刺京兆尉薦待遇吏殷  
勤甚簡乃卒得吏力曰毫釐不敢隱曰僵仆無

所避彼御馬而利其銜策驅鷹而先其發縱勢  
固然也侯乃得無是意乎余因是益信侯能得  
上下懽心以成治也詩曰宜民宜人受祿於天  
又曰豈弟君子福祿攸降某敢誦此為侯壽因  
以附詩人祝君之義云

余文敏公文集卷之一